



Allakkiaq Notat

Ulloq/Brevdato: 17-12-2018
Suliap/Sags nr. 2018 - 9342
All./Dok. nr. 9214406

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl

2017-imi nunatsinni nappaatit tuniluuttut

2017-imi nappaatitunut tuniluuttunut ataasiakkaarlugit nalunaarutigineqartunut takussutissiaq ataani takuneqarsinnaavoq (Tabeli 1).

Botulisme

2017- imi botulismimik nappaateqartunik nalunaaruteqartoqanngilaq.

Nerisatigut ulorianaatilimmik toqunartuninnerit allat

2017-imi nappaatinik nerisat aqqutigalugit tuniluuttunik allanik Nunatsinni nakorsaaneqarfik tigusaqanngilaq.

Meeqqat nappaataat

2017-imi ilummoormik nappaatilik (bordetella pertussis) ataaseq nalunaarutigineqarpoq.

Clostridium difficile, C.diff.

2017-imi sisamat tappiorannartunik *C.diff.*-inik tunillatsissimasut nalunaarutigineqarput. Assersuutitut 2016 imi tamatuminnga tunillatsissimasut 17-iupput. *C.diff.* sivirusumik timmissutaasarpog avatangiisinilu sivirusumik uumasinnaanngorluni illersuuteqalersinnaalluni. Illersuutai sulisut, avatangiisit mingutsinneqarsimasut attukkat, napparsimasullu assaat aqqutigalugit siaruassinnaapput, kingornalu tappiorannartutut bakterissatut uumassusinillutik

inunnut sanngiillisimasunut navianaatilimmik nappaateqalersitsisinnaallutik. Dronning Ingridip Napparsimmavissuani qitiusumik aaviisarfimmi paasissutissat Nunatsinni Nakorsaaneqarfiup naatsorsugaanut tunngaviupput.

ESBL

Tappiorannartunik ESBL-iliortunik tunillatsissimasut (Extended Spectrum Beta-Lactamase) 2017-imi arfineq marluk nalunaarutigineqarput.

ESBL tappiorannartuupput antibiotikat sunniutaannik aserorterisumik enzymiliortut. Taamaalillutik tappiorannartut bakterisat nalinginnaasumik nakorsartinnissamut akiuussinnaalersarput. Tappiorannartut tuniluutiasuupput ajornartorsiutaanerallu Kalaallit Nunaanni, Danmarkimi nunanilu allani annertusiartuinnarpoq. Nunatsinni Nakorsaaneqarfiup naatsorsugaanut Dronning Ingridip Napparsimmavissuani qitiusumik aaviisarfimmi paasissutissat tunngaviupput.

Tingukkat aseruuttoorneq/tingulluut Hepatitis

2017-imi tingulluummik Hepatitis B-mik tunillatsissimasut tallimat Nunatsinni Nakorsaaneqarfimmut nalunaarutigineqarput. Taakku saniatigut Hepatitis C-mik tunillatsissimasutut ataaseq Nunatsinni Nakorsaaneqarfimmut nalunaarutigineqarpoq.

Puakkt nipititsineq tappiorannartunik Legionellanik patsiseqartoq

2017-imi ataaseq nalunaarutigineqarpoq.

Puakkt nappaat taanna tappiorannartunik Legionellanik patsiseqarpoq (Legionærsyge). Legionella avatangiisini isugutattuni masattunilu tamani nassaassaavoq. Imermi kissalaartumi uningaannartumiinnissaq, 20 gradit 50 gradillu akornanni kissassusilimmiinneq iluarineruaa tassanilu amerliartortarput. Taama nappaateqalissagaanni tappiorannartoq Legionella ilummut anersarnermi najuunnerani puannut ingerlaqqissaq. Tunillaassuuttup pinngorfigisinnaasai tassaapput qorlortisivigaluni uffarfiit, uffarfiit puasartitsiviit, imermut kissartumut tankit, nillasaatillu.

Qaratsap ameraasaagut aseruuttoorneq/aap meningokok-inik tappiorannartoqalenera

2017-imi taama nappaateqalersimasunik nalunaaruteqartoqanngilaq.

Qaratsap ameraasaagut aseruuttoorneq/aap haemophilus influenzae type B (HIB)-inik tappiorannartoqalenera

2017- mi nalunaaruteqartoqanngilaq

Qaratsap ameraasaagut aseruuttoorneq/aap ilisimaneqanngitsunik tappiorannartoqalenera

2017-imi nalunaaruteqartoqanngilaq.

Qaratsap ameraasaagut aseruuttoorneq/aap pneumokok-inik tappiorannartoqalenera

2017-imi tappiorannartunik Streptococcus Pneumoniae-nik qaratsap ameraasaagut aseruuttoortut pingasut aammigullu tamatuminnga tappioranartunittoq ataaseq Nunatsinni Nakorsaaneqarfimmit ilisimaneqarlerput. Ukiunut siuliinut naleqqiullugit 2014-imi tamatuminnga patsiseqartumik nappaatillit arfinillit 2015-imi qulit 2016-imilu arfineq marluk nalunaarutigineqarput. Tappiorannartunut Pneumokokkinut assigiinngitsunut 13-inut akiuussutissiisarneq (PCV13) meeqqanik akiuussutissiisarnernut 2010-mi ilanngunneqarpoq.

MRSA

2017-imi tappiorannartumik antibiotikanut akiuussinnaassusilimmik Meticillin Resistent Stafylokok Aureus-imik (MRSA) tunillatsissimasut 16-it nalunaarutigineqarput. Taakku amerlanersaat (aqqaneq marluk) Tasiilameersut erngerlutik paasineqarnerisigut siaruatsaalineqartunut agguataarsimapput.

Nunarpassuarni tappiorannartunik taakkunanga tunillatsittut amerliartuinnarput, MRSA napparsimmavinnut eqqunneqaqqunagu, nunanit allanit napparsimasut napparsimalissutigineqarput tunillatsissimasut- taamaammallu tunillaasinnaasut - nakkutigeqqissaarnissaat pisariaqarpoq.

Tappiorannartut antibiotikanut akiuussinnaangorsimasut inunnut peqqissunut ulorianaateqanngillat, peqqissulli tunillatsissimasut taamaammallu tunillaasinnaasut, tappiorannartunik napparsimasunut allanullu timikkut sanngiissuteqartunut navianaatilimmik nakorsaruminaatsumillu napparsimalersitsisinnaasunik ingerlatitseqqissinnaapput.

Perlerorneq

2017-imi nalunaaruteqartoqanngilaq

HIV aamma AIDS

Kalaallit Nunaanni HIV-mik tunillatsittoqaqqaarneraniit maanna ukiut 30-it qaangiussimalerput. Tamanna nappaatip ilisimaneqalernaraniit ukiualunngit qaangiuttut pivoq. 2017 ilanngullugu Kalaallit Nunaanni inuit 184-it HIV-mik tunillatsissimapput (Takussutissiaq 1).

Ukiut tamaasa HIV-mik tunillatsittoqartarpoq. 2014-imi marluk, 2015-imi arfinillit 2016-imi tallimat 2017-imilu tallimat nalunaarutigineqarput. Angutit (63% piffissaq tamakkerlugu).

2016-imi ukiumoortumik nalunaarusiamut sanilliullugit allakkiami matumani 2015-imi 2016-imilu amerlanerunerat takuneqarsinnaavoq. Tamanna 2018-imi maaji qaammat tunillatsissimasut amerlassusaannik nutarterinermi kisitsisit allannguuteqalaarnerannik patsiseqarpoq.

Nunatsinni Nakorsaaneqarfimmut 2016 -imi nalunaaruteqartoqarani 2017-imi AIDS imik nappaatillit marluk nalunaarutigineqarput Isumannaatsumik usuup puulerluni atoqatigiinneq oqariartuutaajuarpoq pingaarutilik.


Chlamydia, Gonoré, Syphilis

Nappaatit taakku 2017-imi atuagaanerat 2018-imi ukiakkut nalunaarusiami immikkut nassuiaatigineqarpoq. Soqutiginnikkuit nittartakkamiittoq takuuk: www.nun.gl

Sakiilluut Tuberkulose

Nappaatip 2017-imi atugaanera 2016-imi ukiumoortumik nalunaarummi immikkut nassuiarneqarpoq. Soqutiginnikkuit nittartakkamiittoq takuuk: www.nun.gl

Takussutissiat



Takussutissiaq 1

Tabelit

Tabeli 1. Nappaatit ataasiakkaarlugit nalunaartigineqartut 2017	
Nappaat	Amerlassusaat
Hæmolytisk streptococcer (GAS)	0
Qaratsap ameraasaagut aseruuttoorneq tappiorannartunik pneumokokkinik patsiseqartoq	3
Qaratsap ameraasaagut aseruuttoorneq tappiorannartua suussusersineqanngitsoq	0
Nappaatit tuniluuttut timimi siaruaattut allat (matumani aakktut aseruuttoorneq tappiorannartunik pneumokokkinik patsiseqartoq)	1
MRSA	16
Syfilis	21
Tingukktut aseruuttoorneq Hepatitis B	5
Tingukktut aseruuttoorneq Hepatitis C	1
Illummoorneq (bortadella pertussis)	1
Savarneq (parotitis)	0
HIV	5
AIDS	2
Nerisat aqqutigalugit tunillatsinneq	0
Sakiilluut Tuberkulose	57
Puakktut nipititsineq tappiorannartunik Legionellanik patsiseqartoq	1
Nassuiaat: Allamik allassimasoqanngippat kisitsisit nalunaarutinin Nunatsinni Nakorsaaneqarfimmut nassiussanik tunngaveqarput.	